

AGENDRE TRINITATIS

MINGGU 09 Agustus 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 241**

241. TAHONOGÖ DÖDÖDA 1

do = bes 4/4

MM = 96 - 104

1. Tahonogö dödöda, föna Lowalangi Ama.
Ta ' andrö saoha gölö, mbuala si no tatema.
Tafosumange Nama, me solomasi Ia.
2. Tahonogö dödöda, föna Lowalangi Ama.
Da tatunö khö-Nia, ngawalö golalöwada.
Na mangesa dödöda, Ibè aefa horöda.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 270

270. HEZA TASÖNDRA ZARO DÖDÖDA

Lala : Yesu So' aya Tolo Ndra' aga (No. 356)

do = g 3/4

MM = 88 - 96

1. Heza tasöndra, zaro dödöda.
Si mane Yesu So ' aya, sangefa fefu horöda
Sangomasi ' ö, sangesa tödö.
2. Ha zi faoma töi, khö Yesu andrö.
He mala' ika zorugo, he raso ba gulidanö.
Lö si faoma töi, me Sangorifi.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 62:1-5**

1. Khö duka wanunö andrö, khö Yedutuno andrö, nilau Dawido.
2. Ha khö Lowalangi manötöna dödögu, no ahonohono, khönia i'otarai wangorifigu.
3. Ha ya'ia we'ewe'e dödögu ba fangorifigu, hatigu, tebai manö mangiwa ndra'o.
4. Heza irugi misuwö niha si ha samösa, wa edöna midudugö ia, hulö mbagolö si no aolo, hulö göli kara, si no muhisi?
5. Ha da'ö wamagölöra, he lawisa wanimba tou ya'ia, moroi ba nahania salawa; faya zomasi ira; ba mbewera, ba famahowu, ba ba dödöra, ba fangelifi.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA

: **Turia Wangefa horö** : “Utayaigö golalöwamö, si mane lawuo, awö horöu, si

mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHUAO (AB)

: Da tafondrondrongo daroma Li Lowalangi, tehalö moroi ba zura I Tesalonika 2:1-12

1. Mi'ila sa, ya'ami ira talifusö, wa no tenga zayazaya gölö we'amöima ba khömi.
2. Noa sa ma'abe'e'ö ndra'aga, ba khö Lowalangida, me no mataögö ua wamakao ba me no la'osiwawöi ndra'aga, ba Wilifi, nirongomi, ba wangombakha khömi turia somuso dödö andrö khö Lowalangi; no oya zi fao famakao.
3. Tenga sa moroi ba wa'elungu wangombakha'öma, ba tenga moroi ba walösökhö, ba tenga ba wa'onekhe;
4. me no iwa'ö Lowalangi tola ndra'aga, tola ibe'e ba dangama duria somuso dödö andrö, ba muhede ndra'aga, tenga afuma la'omasi'ö ndra'aga niha, afuma i'omasi'öga Lowalangi andrö, sanandraigö tödöma.
5. Lö'ö sa marai masuno niha, wondrönisi ya'ira, mi'ila, ba lö nibini'öma tödöma, wangalui harema; Lowalangi zangila.
6. Lö'ö göi ni'aluima sumange ba niha, he ba khömi, ba he ba niha bö'ö; tola sa ma'ebua'ö ndra'aga mena'ö, me no sinenge Keriso ndra'aga;
7. ba no mahaogöhaogö, ba khömi, hulö zamaenu ono, ba wondrorogö ononia.
8. Si manö wehulu dödöma khömi, ba no aoha gölöma, tenga ha turia somuso dödö andrö khö Lowalangi mafa'ema khömi, nosoma göi, ba no khömi, me no omasiga ami.
9. Dörö itörö tödömi, ya'ami, ira talifusö, wa'erege dödöma ba famakaoma andrö; bongi ma'?khö mohalöhalöwö ndra'aga, ena'ö samösa lö'ö, ba khömi, sabu tödö ba khöma andre, me maturiagö khömi duria somuso dödö andrö, khö Lowalangi.
- 10.No anehe ami ba no anehe Lowalangi wa'ohauhauma ba fa'atulö dödöma andrö, awö wa no lö sinegu khöma, ba khömi samati andrö.
- 11.Mi'ila he wisa wango'ouma ya'ami, dozi ami, ba he wisa wamarouma tödömi, hulö nama khö nononia,
- 12.ba he wisa wamaduhu'öma khömi, ena'ö mihaogö mbuabuami, ena'ö si nangea khö Lowalangi andrö, sogaoni ya'ami banuania, ba ba lakhömi andrö khönia.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

\ Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:

❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö

Numero 240b

240. B. AMAEDOLA ZOLOYO

do = g 3/4
MM = 88 - 96

1. Amaedola zoloyo wa' aurigu andre.
Ötöna no ebolo egebua mbade.
Oya gameta ' uö samangiwa tödö.
Ogömigömi lala lö oroma danö.
2. Ba nasi so gakaola, me fazuzu nangi.
Oya zi möi fangala, no fasui emali.
Ba mangarö dödögu, heza so zanolo.
Da' e wanema ligu, " Ha Yesu Keriso. "
3. Ufaöga hörö dödö, u' ila madala.
Töinia tötönafo, itugu mohaga.
Da' ö zanului lala, oi oroma sa' ae.
Sogömi no oi taya, ba tebato mbade.
4. Hiza, Yesu So' aya, sangamuri owo.
Ifasaodo ba zaota, lö ae ata' udo.
Wa' omuso dödögu, me Imane khögu:
" Böi ata' ufi fefu, Ufahono nudu. "

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe□

1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat Tuwuna
 - b. Koor Jemaat Onomodra
 - c. Kegiatan Komisi Bapak
 - d. Kegiatan sektor 3
 - e. Kegiatan Koremda
 - f.

**9. MANUNÖ
SA**

: Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

**10. HUHUAO SEBUA
SH**

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Matai'o / Matius 14:22-33 (Tuho Migu: Mihonogö Ami, Bôl Mi'ata'ufi / Tenanglah, Jangan Takut)*
 - b. Fanuriaigö
 - c. Nitano ba dödö. *Sinunö / Mazmur 62:2 (Ha khö Lowalangi manötöna dödögu, no ahonohono, khönia i'otarai wangorifigu. / Hanya pada Allah saja kiranya aku tenang, sebab dari pada-Nyalah keselamatanku.)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**11. TUHO WAMATI
SA**

: Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ
SA

: Manunö ita moroi ba Mbuku Zinunö **numero: 255 ayati 1-2**

211. AHONO AE DÖDÖGU 1

do = f 4/4

MM = 88 - 96

1. Ahono ae dödögu, ba danga-Mö Yesu.
Börö wa ' omasi-Mö, ohahau dödögu.
fanunö mala ' ika, da ' ö nironogogu.
Soroï zorugo yaŵa, omuso dödögu.
Ahono ae dödögu, ba danga-Mö Yesu.
Börö wa ' omasi-Mö, ohahau dödögu.
2. Ahono ae dödögu ba danga-Mö Yesu.
He na so wandraigö lö fa' ata' ugu.
Fefu gabula dödö, fa' aombö dödögu.
He göi fangaröngarö Itayaigö fefu.
Reff: Ahono ae dödögu,

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **211 ayati 3**

211. AHONO AE DÖDÖGU 1

do = f 4/4

MM = 88 - 96

3. Yesu we' ewe' egu no möi salahigu.
Si lö tebulö la, aro wamatigu.
Ba wombaloi So' aya, utaha dödögu.
Na irugi inötö wangawuli Yesu.
Reff: Ahono ae dödögu,

SH : YA'AHOWU

SATO : YA'AHOWU